

31: Mutabaz' ubuntu bwawe

1. Mutabaz' ubuntu bwawe Ni jyew' ubukwiriye. Burakiz' abandi cyane; None, nanjye bunzemo. Bunzemo, bunzemo. None, nanjye bunzemo.
2. Data mwiza, Mana yera, Mpora ngucumuraho. Mfit' ibyaha byinshi cyane, Umbabarir' umpire. Bimveho ! Bimveho ! Umbabarir' Umpire.
3. Ntumpiteho, Yesu wanjye; Nkwisunge, nkwiragize ! Mfit' inzara, mfit' inyota, Ndakwinginz' undengere. Ndengera, ndengera Ndakwinginz' undengere.
4. Mwuka Wer' ump' umutima Wizey' Umucunguzi; Yes' unyuhagir' ibyaha Mu maraso wavuye. Mboneza, mboneza Mu maraso wavuye.
5. Mwuka Wera, jye nd' impumyi; Ndakwinginz' umpumure. Ujy' uhamy' iby' Umukiza; Non' umumpishurire. Nd' impumyi, nd' impumyi! Non' umumpishurire
6. Urukundo rwawe, Yesu, Ruva ku musaraba, Urunyerek' ub' unkize ; Noneh' unyiharire. nkiz'ubu! nkiz'ubu! noneh' unyiharire!